

**GOVERNMENT OF THE
REPUPLICE OF VANUATU**

OFFICE OF THE GOVERNMENT
REMUNERATION TRIBUNAL
PMB 9094 Port Vila, Vanuatu
Tel: (678) 22413 Fax: 263181



**GOVERNMENT DE LA
REPUPLIQUE DE VANUATU**
BEREAU DE CONSEIL DE REVISION DES
TRAITEMENTS DE L'ETAT
SPP 9094 Port Vila, Vanuatu
Tel: (678) 22413 Fax: 263181

Detemineisen 1 blong 2017 – Klasifikeisen Strakja mo Tem mo Kondisen blong wan Daarekta Jenerol mo ol spesifae Konstitusonol mo Statutori Ofis.

Notis No. 1 blong 2017

Oli mekem folem seksen 13 blong GRT Akt, olsem we oli amendem.

Detemineisen ia, wetem ol nara isiu:

- i detemaenem wan klasifikeisen strakja blong ol ofis blong Daarekta Jenerol;
- i spesifaem ol greid blong ol pei blong klasifikeisen strakja;
- i givim long wanwan ofis blong Daarekta Jenerol wan klasifikeisen;
- i givim ol spesifik konstitusonol mo statutori posisen long wan klasifikeisen; mo
- i amendem ol spesifik tem mo kondisen blong kontrak blong wan Daarekta Jenerol.

Olgeta seksen insaed long pepa ia

| | |
|--|---|
| PAT1 – JENEROL | 2 |
| PAT 2 – KLASIFIKEISEN, REMUNEREISEN MO OL ISIU WE I RILET..... | 3 |
| PAT 3 – AMENMEN LONG OL SPESIFIK TEM MO KONDISEN..... | 5 |

PAT 1 – JENEROL

Otoriti

- 1.1 Detemineisen ia i kamaot folem seksen 13 blong Gavman Remunereisen Traebunol (GRT) Akt.

Aplikelsen

- 1.2 Detemineisen ia i aplae long posisen blong Daerekta Jenerol we oli apoentem hem folem seksen 17 blong Pablik Sevis Akt.
- 1.3 Detemineisen ia i aplae long olgeta Konstitusonol posisen ia:
 - (i) Odita Jenerol we oli apoentem hem folem Atikol 25(4) blong Konstitusen, mo
 - (ii) Ombudsman we oli apoentem hem folem Atikol 61(1) blong Konstitusen.
- 1.4 Detemineisen ia i aplae long olgeta Statutori posisen ia:
 - (i) Klak blong Palemen we oli apoentem hem folem Seksen 15(1) blong Palemen Administreseisen Akt,
 - (ii) Komisena blong Polis we oli apoentem hem folem Seksen 7(A) blong Polis Akt, mo
 - (iii) Sekretari blong Pablik Sevis Komisen we oli apoentem hem folem Seksen 13(1) blong Pablik Sevis Akt.
- 1.5 Folem seksen 25 blong GRT Akt, emploemen kontrak blong man/woman we i holem naoia wan posisen we oli mensenem long aetem 1.2, 1.3, o 1.4 bae oli tekem se oli bin modifaem blong i semak long detemineisen ia.

Efektif Deit

- 1.6 Detemineisen ia i efektif naoia.

PAT 2 – KLASIFIKEISEN, REMUNEREISEN MO OL ISIU WE I RILET

Klasifikeisen strakja

2.1 Ol ofis we oli mensesem olgeta long aetem 1.2 kasem 1.4, oli putum olgeta long 2 mein level, level 1 i soem ol ofis wetem fokas blong wan ful gavman mo Level 2 i tekem tugeta ol ofis we oli aedentifaem olgeta olsem ol patna blong ol inisietiv blong ful gavman. Klasifikeisen strakja i stap long Tebol 1 andanit ia. Oli klasifaem ol ofis ia folem ol Ministri, Konstitusonal posisen o Statutori posisen.

Tebol 1 – Klasifikeisen blong ol Ofis

| Level | Daarekta Jenerol long Ministri blong: | Konstitusonal o Statutori Posisen: |
|---------|---|--|
| Level 1 | 1. Praem Minista, mo 2. Faenans. | Sekretari blong Pablik Sevis Komisen mo Ombudsman. |
| Level 2 | 3. Agrikalja, Baeosekiuriti, Fiseri, Forestri mo Laefstok; 4. Klaemet Jenis mo Jeo-hazad; 5. Edukeisen mo Trening; 6. Helt; 7. Infrastrakja mo Pablik Yutiliti; 8. Intenol Afea, 9. Jastis mo Komuniti Sevis; 10. Lan, Jeoloji mo Maens mo Wota risos mo 11. Tred, Industri mo Turisim. | Odita Jenerol, Klak blong Plemen mo Komisena blong Polisi. |

Ol Remunereisen Level

2.2 Ol greid blong pei blong ij level long klasifikeisen strakja long Tebol 1 andap ia i stap long Tebol 2 andanit ia.

Tebol 2 – Klasifikeisen Strakja mo Anuol Salari

| Level | Greid blong ol Pei | Anuol Salari |
|---------|--------------------|--------------|
| Level 1 | 4 | 7,580,600 |
| | 3 | 7,151,500 |
| | 2 | 6,738,300 |
| | 1 | 6,356,900 |
| Level 2 | 4 | 7,151,500 |
| | 3 | 6,738,300 |
| | 2 | 6,356,900 |
| | 1 | 5,989,600 |

- 2.3 Posen long wan patikula Klasifikeisen Level long Tebol 1 – Klasifikeisen blong ol Ofis i entaetol long level blong salari we oli spesifaem blong level ia long Tebol 2 – Klasifikeisen blong Strakja mo Anuol Salari.
- 2.4 Folem apoenmen, wokman i stap long besik salari long posisen ia. Long kes blong ol posisen we oli putum long Level 1, besik anuol salari i stap long Greid: DG 1.1 – Vt. 6,356,900. Besik anuol salari long ol posisen we i stap long Level 2 i stap long Greid: DG 2.1 – Vt. 5,989,600.
- 2.5 Salari blong wokman i save inkris long nekis pei greid evri 2 o moa yia folem nomo gudfala pefomens blong wokman mo folem apruvol blong bodi we i emploem hem.
- 2.6 Sipos wan man/woman i apoented long wan Ofis blong Daarekta Jenerol o wan ofis we bodi we i emploem man i detemaenem mo posisen i no kamaot long klasifikeisen long Tebol 1 – Klasifikeisen blong ol Ofis, so oli mas putum man/woman long Level 2 blong klasifikeisen strakja long Tebol 1 – Klasifikeisen blong ol Ofis mo i save entaetol long besik salari blong level 2 olsem we i stap long tebol 2 – Klasifikeisen blong Strakja mo Anuol Salari.

PAT 3 – AMENMEN LONG OLGETA SPESIFIK TEM MO KONDISEN BLONG KONTRAK
BLONG WAN DAEREKTA JENEROL

3.1 Alawens

Long seksen we i tokbaot Alawens, karemaot sabseksen we i rifea long '40 000vt alawens long fuel evri manis'.

3.2 Ol trak blong Gavman

Long seksen we i rifea long ol Trak blong Gavman, insetem wan adisonol sabseksen blong i rid olsem:

Gavman bae i risponsibol blong sevisem mo fulumap fuel long ol Trak blong Gavman folem standet kost we Employing bodi i setem.

3.3 Akomodeisen

Long seksen we i rifea long Akomodeisen, karemaot sabseksen we i rifea long haosing alawens mo riplesem wetem sabseksen blong i rid olsem:

Long kes we wan Gavman haos i no availebol, Emploea i mas risponsibol blong akomodetem wokman long wan haos we i semak standet blong wan Gavman ful haos be bae i gat rent blong hem we bae i no mas bitim 80,000vt long wan manis, inkludim takis blong rent.

3.4 Alawens blong ol Pikinini

Karemaot seksen long Alawens blong ol Pikinini.

3.5 Telefon Alawens

Karemaot seksen long Telefon Alawens.

3.6 Establismen Alawens

Riplesem seksen long Telefon Alawens wetem 'Establismen Alawens' mo insetem insaed long seksen blong 'Establismen Alawens' hemia we i stap andanit ia mo blong i rid olsem:

- (i) Wokman i entaetol long wan anuol alawens blong twenti taousen vatu (20,000 Vt.), we oli pem long 31 Januari evri yia blong helpem Wokman wetem ol imidiet kost blong instoleisen mo rent blong telefon laen mo telefon long haos blong hem.

3.7 I nomo gat ol Kontrak entaetolmen


Long seksen we i rifea long ol Kontrak entaetolmen we bae i nomo gat, karemaot sabseksen we i rifea long severens alawens mo riplesem wetem seksen ia mo bae i rid olsem:

- (i) Wokman i save entaetol long severens alawens we oli kalkuletem long reit blong 1 manis salari blong evri yia folem pefomens blong kontrak ia. Alawens we oli pem i no mas smol bitim hemia we Emploea i rikwaerem folem ol provisen blong Emploemen Akt.

3.8 Ol nara Kontrak

Eni wan long ol spesifik tem mo kondisen we oli mensem long aetem 3.1 kasem aetem 3.7, we i stret, oli save tekem se oli riplesem ol tem mo kondisen blong emploemen kontrak blong Odita Jenerol, Klak blong Palemen, Komisena blong Polis o Sekretari blong Pablik Sevis Komisen.

Oli saenem pepa ia long Namba 1 Februari 2017.



Mark Bebe, Akting Jemen

